

冷
萬
松
閣
記
客
賞
奇
子
雜
言
言



萬松閣記客言

陳吳才 著

中華書局

萬松閣記客言

此據稗乘本影印
初編各叢書僅有
此本

萬松閣記客言

陳吳才著

皇城在中都城萬歲山南內有日精月華二殿
因二峯爲名制極宏麗洪武初撤中都宮室名
材砌大龍興寺于鳳陽府治之北

祖陵在泗州城北三十里 皇陵在泗州太平鄉
御製碑在焉

逸民柳仲仲所居近水水流出聲韻清亮仲作響
泉亭于上時獨坐其中以聽之嘗謂人曰吾以
水聲爲爽耳之樂亦自不俗

京師人謂百事遂意爲風利嘗有大學生遇試忽曰風不利矣南方人不知所謂驚問曰何故太學生曰試題不遂意耳

都下士女富者乘丹轂翠輦

清明日都下人皆出郊嬉遊或至高門大刹以蹴毬爲戲

北地有鞦韆士女乘之以習便捷曰三花五擊鳶戾僊飄皆其名也

都人重僧呼爲生天舍利中元節爭出資以爲蘭盆會

盛夏于水風林蔭處製冷食寒酒晝夜酣飲以爲避暑

披雲樓上有遠樹影雖風晴雨晦登者皆見之耶律楚材詩云閣上披雲第一重離離禾黍漢家宮窓開青瑣招晴色簾捲銀鈎掛晚風

齊政樓在海子東岸名取齊七政之義

凝翠樓在高梁河南樓前植垂楊數十株煙色微茫之際望之若凝翠然也

中心閣在都城之中故名閣東十餘步有臺繚以垣刻上有碑刻中心臺三字

五華山西北有泉自山畔湧出建亭于上以翼之
因名飛泉亭

龍虎臺在居庸關南口臺廣二里與積栗山相峙
有龍虎盤踞之狀馬祖常詩云龍虎臺高秋意
多翠華來日似鑿坡天將山海爲城塹人倚雲
霞作綺羅

仰山有五峯曰獨秀翠微紫蓋妙高紫微中多禪
刹金章宗石刻云金色界中兜率景碧蓮花裏
梵王宮鶴鶩清露三更月虎嘯疎林萬壑風
彈琴硤在居庸關中水流石罅聲若彈琴陳孚詩

云月作金徽風作絃清聲豈待指中彈伯牙別
有高山調寫在松風亂石間
本朝楊士奇詩
云峽石記彈琴泠泠流水聲當作不知行路者
誰有聽琴心

海子在府西三里宋本詩云度橋西望似江鄉隔
岸樓臺罨畫粧十頂玻瓈秋影碧照人騎馬過
宮牆

玉河源白玉泉山流經大內出都城東南至大通
河馬祖常詩云御溝春水曉潺湲直似長虹曲
似環流入宮牆纔一尺便分天上與人間

畿內有紅螺玉帶二山士夫餞別或賀承恩寵者
多以此作詩題曰紅螺春色玉帶生光是也